

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent


Abelly, Louis

Coloniæ Agrippinæ, 1659

Appendix. De Indulgentiis & Purgatorio.

urn:nbn:de:hbz:466:1-38979

ta anno 1478. sententiam Petri de Osma. qui asserebat, nonnisi peracta poenitentia confitentes debere absoluvi: quam quidem sententiam falsam, scandalosam, & SS. Patrum decretis Apostolicisque constitutio- nibus contrariam, & haereticam declarauit, cuius Bullæ mentio fit in censura Facultatis Parisiensis dato anno 1644. die 23. Iunij, in qua eamdem ut temerariam, & ha- reticam proscriptis.



APPENDIX.

De Indulgencij, & Purgatorio.

QVONIAM suprà diximus, posse confessarium in jungendarum satisfactionum rigorem, minuere occasione Indulgenciarum, poenasque temporales peccatis, quoad maculam remissis, debitas, quibus in hac vita satisfactionum minime fuerit, post hanc vitam in Purgatorio esse luendas, ut utrumque melius & certius intelligatur, Appendicem hanc de Indulgencij, & Purgatorio apponimus, in qua, quid de utroque secundum Catholicæ fidei normam sentiendum sit, breuiter explicabimus.

PARAGRAPHUS I.

Quid sit, & quotuplex Indulgencia.

INDULGENTIAE nomen, secundum communem, & receptum Ecclesiæ usum, significat penitentias temporalis peccato, quoad culpam remisso, debita condonationem, quæ sit ab Ecclesia ex iusta aliqua, & rationabili causa per applica-

applicationem satisfactionum Christi Domini, ut se docet, & explicat Bellarm. Lib. 1. de Ind. cap. 1. & 2. Quod videntius fiat, duo nobis hic breuiter demonstrandu sunt.

Primum est, extare in Ecclesia Thesaurum quemdam unde applicanda fidelibus indulgentiae proferuntur; Thesaurus constat in primis ex satisfactionibus ipsius Christi Domini, quarum valor, cum infinitus fuerit (vide dictis 1. part. tract. 5. constat) quantacunque fiat illarum applicatio. Thesaurus ille nunquam exhaustiri potest. Constat etiam ex satisfactionibus superabundantibus Sanctorum, quorum aliquos certum est, longe plura passos esse, quam ob peccata commissa promeriti fuerint (quod de sanctissima Virgine Deipara negare, nemo potest. & de S. Ioanne Baptista, multisque aliis pieras facti suadet) quibus passionibus voluntarie ab iis, & perfecta charitate acceptatis vis quaedam inerat, non moritoria, cuius fructum in celo percipiunt, sed etiam satisfactoria, quam licet ipsis minimè necessaria (ut ponimus) alii tamen maximè utili, & salutarem posse Ecclesia semper agnouit, ut ex communione Sanctorum, quam in Symbolo profitemur, aliique scripturali fuse probat Isamb. tract. 1. de Indulg. disp. 1. art. 3. Gamach. disp. unica de Indulg. cap. 2. vbi etiam ex communione Doctorum sententia variis argumentis ostenditur istum in hac vita non solum pro suis, sed etiam pro aliis iusti peccatis, ob charitatis unionem, Deo satisfacere posse.

Porro has Sanctorum satisfactiones Christi Domini satisfactionibus coniungit Ecclesia non ut nullum harum defectum suppleat, cum perfectissimae sint; neque verumdem valori infinito quidquam superaddat; sed ut ipsius Christi virtutem in sanctis eius veneretur, tum eorum perfectam cum Christo capite unionem, & membrorum eiusdem capitum in utraque Ecclesia triumphante militante communionem demonstraret.

Secundum est, supradicti Thesauri dispensationem

Chil.

Christo Domino Ecclesie credita in fuisse, ut habetur in extrauag. *Vnigenitus de penit. & remiss. & in Concilio Trid. sess. 25. de c^r. de Indulg.* Et probari potest tum ex illis Christi Domini verbis; S. Matth. 16. *quodcumque soluerit super terram, erit solutum & in celo*; quibus potestas generalis & amplissima conceditur vincula quæcumque soluendi, quibus à consecutione salutis homines præpediri possint: tum etiam ex continua & vniuersali praxi Ecclesie, quæ iam inde à tempore Apostolorum, & consequentibus seculis ad hæc usque tempora perseuerauit: S. Paulus siquidem Indulgenciam Corinthio incestuoso penitenti concessit ad instantiam aliorum fidelium, qui pro illo intercesserant, ut docent S. Thom. & Theodor, in comment. super cap. 2. Epist. 2. ad Corinth. Similiter Indulgencias ad postulationem martyrum, qui in carceribus ob Christi confessionem detinebantur, penitentiibus concessas fuisse, constat ex variis testimoniosis Terrull. S. Cypri. & aliorum, qui apud Bellarm. cap. 3. referuntur. De earumdem postea Indulgenciarum usu mentio fit in Concilio Niceno i. can. 11. Ancyrano can. 5. Laodiceno can. 2. & aliis passim usque ad Gregorii magnum, à cuius temporibus usus indulgentiarum notior, adhuc & frequentior in vniuersa Ecclesia fuit, ut fusè ostendit idem Bellarminus supra.

Ex quibus constat, quām falso & temerariè hodierni hæretici Indulgencias ab Ecclesia concedi posse denegent, quorum error vel eo solo nomine proscribi deberet, quod non alios patronos agnoscat quām V Valdenses, qui primi Indulgencias impugnarunt, ut obseruat idem Bellarm supra apud quem fusion hæreticorum illorum refutatio, & veritatis nostræ fidei probatio videbitur potest.

Quares, quis sit indulgentiarum effectus; seu à quibus penitis per Indulgencias liberemur. Resp. per concessiōrem Indulgenciarum nos minime liberari à penitis naturalibus, quæ peccatum originale consequuntur, neque etiam à penitis, ob delicta in foro externo sive Ecclesiastico, sive politico subeundis, sed a penitis illis temporalibus,

libus, quæ ob peccata post baptismum commissa, quod culpam remissa debentur in foro interiori dñi iustitiae, seu (vt loquuntur Theologi) in foro anima quæque vel in hac vita, vel post illam in Purgatorio lues dæ forent, si homo priùs moreretur, quām condignas pro illis offerret satisfactionem: ita vt per Indulgentiarum concessionem à poenarum illarum reatu liberemur non modò coram Ecclesia, vt olim nonnulli dixerunt quos refellit S. Doctor in 4. disp. 20. q. 1. a. 3. sed etiam verè coram Deo, vt fusè ex eodem S. Doctore & aliis probat idem Bellarm. suprà, & post illum Gamach. disp. viii. ca de Indulg. cap. 5.

Sunt autem varia, & multiplices Indulgentia pro varia, & multiplice concessionum forma, & concedentium voluntate. Interdum enim conceduntur Indulgentiae aliquot dierum, vel annorum, vel quadragenarum; interdum tertia, vel quarta aut alia pars peccatorum per indulgentiam condonatur, aliquando plenaria Indulgentia conceditur; aliquando plenissima & in forma Iubilæi. Et quidem, quando conceditur Indulgentia tot dierum, vel annorum, vel quadragenarum; sensus est, per illam Indulgentiam remittitur poena temporalis, pro peccatis remissis, & quæ culpam deletis, in hac vita aut in altera luendæ, quantum redimeretur per poenitentiam tot diebus, vel annis vel quadragenis secundum antiquos Ecclesiæ canones imponi solitam, vt explicant Palud. Major, S. Anton. Sot. Suar. & alij, apud Laym. tractat. 7. de Indulg. cap. 3. Similiter quando per Indulgentiam condonatur tertia, vel quarta pars peccatorum, nihil aliud significatur, quām remitti tertiam vel quartam partem poenæ illius temporalis pro peccatis luendæ. Plenaria vero Indulgentia totam poenam temporalem peccato quo ad culpam remisso debitam tollit: quod similiter fit illa, quæ dicitur plenissima, & in forma Iubilæi, nisi in quantum simulcum Indulgentia facultate aliqua conceduntur ad eligendum confessarium, qui

Quis

S VI
conce
dam
thesa
ficum
mus,
in Pe
tur n
Eccle
modi

à casibus quibuslibet, & censuris absoluat, & in votis, aut irregularitatibus dispenset, ut fieri solet in Iubilatis: quæ omnia fusiū explicata & probata reperiuntur apud eundem Bellarm. suprà cap. 9. vbi monet Indulgencias illas, in quibus mille & plurimum annorum remissio conceditur, suspectas & à quæstuaris confititas nonnullis videri; cum non soleant Pontifices concedere Indulgencias nisi tot annorum, quod solebant pœnitentia iniungi; quæ quidem non extendebant ultra septem, aut decem, aut viginti annos, aut certe ad totam vitam, quæ ultra centum annos prorogari non solet: quanquam Tolet. lib. 6. cap. 23. Indulgencias eiusmodi rectè concedi posse contendit, si per illas intelligatur tantum pœna remitti, quantum redimere deberet peccator per pœnitentiam, quæ tot millibus annorum duraret; cuius quidem pœna reatum non est creditu difficile à multis incurri, qui (ut scriptura loquitur) *Bibunt quasi aquam iniquitatem.*

PARAGRAPHUS II.

Quis possit concedere Indulgencias, & quænam causæ ad id requirantur.

SUPPONIMVS ex Bellarm. lib. 1. de Indulg. cap. 5, & Suar. disp. 69. de Pœnit. sect. 4. Indulgencias concessionem respectu viuorum fieri per modum cuiusdam absolutionis, quæ annexam habet solutionem ex thesauro Ecclesiæ, vt constat ex varijs summorum Pontificum diplomatis, quæ ibidem refert Bellarm. Diximus, (respectu viuorum;) quia si questio sit de defunctis in Purgatorio existentibus, Indulgencias ipsis applicantur non permodum absolutionis, cum nullam in eos Ecclesia iurisdictionem obtineat; sed tantummodo per modum solutionis seu suffragij; sicut captiuum apud Turcas

Turcas detentum Rex Gallia non per viam authoritas
vt in proprio regno, sed tantum per viam solutionis,
redemptionis liberare potest. Quouis autem modo ce-
cedatur indulgentia, sive per modum absolutionis,
annexam habeat solutionem, sive per modum simpli-
solutionis: certum est in concedente requiri iuri di-
ctum in foro exteriori Ecclesiae; quia sine illa neque ab-
solutionem concedere, neque bona Ecclesiae communia,
in eius thesauro deposita legitimè dispensare potest.

Dicendum 1. summum Pontificem ex iure diuino
bere plenissimam potestatem concedendi quaslibet
dulgentias omnibus & singulis Christi Domini fidelibus.
Quod constat tum ex potestate illimitata à Christo
mino primariò, & præ reliquis Apostolis concessa S. I-
tiro, cui succedit Iulianus Pontifex; S. Matth. 16. Tibi
claves regni cœlorum: &c. & quocunque solueris super
ram, erit solutum & in cœlis, &c. Tum etiam ex eo, quod
ad conferendas Indulgentias duplex ex parte conce-
ditis requiritur potestas: una in eos, quibus conferuntur
altera in thesaurum Ecclesiae ex quo desumuntur: unde
que autem illam potestatem in summo Pontifice ple-
nissimam reperiri apud omnes Catholicos constat, &
nius adhuc constabit ex iis quæ infra dicentur tractu-
s, de legibus. Addit Tolet. lib. 6. cap. 25. Concilium
nerale similem habere potestatem concedendi quaslibet
que Indulgentias etiam plenarias, quod à Conc. Lateri-
factum fuisse dicit.

Dicendum 2. Episcopos etiam habere potestatem con-
ferendi aliquas Indulgentias, vt paret ex cap. Nostris
penit. & remiss. & ex ipsius Ecclesiae praxi satis con-
fessum est enim Episcopi conferre Indulgentias unius annis
in Dedicatione Ecclesiae, & quadraginta dierum in an-
niversario Dedicationis; quam ultimam Indulgentiam pre-
sunt, quocunque ipsis libuerit, ex causa aliqua legitima
concedere, vt habetur ex cap. Cum eo, de penit.
remiss.

Quarunt Theologi, an Episcopi potestatem illam con-
ferent?

ferendi Indulgentias habeant tantum ex iure humano, seu ex concessione summi Pontificis, an vero ex iure diuino; &c. si ex iure diuino, cum adeo restricta & limitata sit? Omissis variis Doctorum responsionibus probalissime loqui videntur ij, qui asserunt Episcopos hanc potestatem ex iure diuino habere, cum sint (vt dicit Apostolus 1. Cor. 4. *Dispensatores mysteriorum Dei;* & à Spiritu sancto regimini Ecclesia præpositi sint, Act. 20. *Spiritus sanctus posuit Episcopos, regere Ecclesiam Dei;* qui tamen hoc regimen, & illa dispensatio subordinatur regimini, & dispensationi generali, quam summus Pontifex in vniuersam Ecclesiarum obtinet, ideo penes illum est, eiutmodi potestatem in Episcopis ob causas aliquas iustas, & rationabiles extendere, vel restringere, vt docet & fusè probat Isamb. disp. 3. de Indulg. art. 1. qui ibidem ex Nau. & aliis obseruat Cardinales etiam posse concedere Indulgentias centum dierum; idque non tam à iure, quām à consuetudine, & concessione summi Pontificis.

Quod verò spectat ad Abbates, Parochos, &c. recte docet Bellarm. lib. 1. de Indulg. cap. II nullos Clericos, aut Sacerdotes Episcopis inferiores ex iure posse concedere Indulgentias, sed (vt haberetur cap. *Accidentibus, de excessibus Prælatorum*) solummodo ex commissione Pontificis maximi vel Episcoporum. Vbi etiam obseruat ex S. Doctore in 4. di. 10. q. 1. a. 4. q. 1. nullos propriè loquendo in Ecclesia esse, aut dici debere Prælatos, nisi solos Episcopos; cum sint integri alicuius populi Reætores, & quasi in quodā Ecclesiastico regno præsint hominibus orarium statum, lexum, ordinum, & conditionum; Abbates vero & Parochi sint quasi vnius familia patres: vnde, cùm Indulgenciarum concessio non nisi ad Ecclesiaz Prælatos spectat, sequitur illam esse Episcoporum propriam, non verò aliorum, qui ipsi sunt in Ecclesia inferiores.

Dicendum 3. non solum legitimam authoritatem, sed etiam iustum aliquam, & rationabilem causam requiri ad hoc, vt licite, & valide Indulgencie conferantur. Ita S. Thom. S. Bona, & alii quos citat, & sequitur Bellarm. sup. cap.

cap. 12. & constat ex Extraug. *Vnigenitus*, vbi Clemens unde ibi dicit Christum Dominum Ecclesiae thesaurum persutur usui Vicarios reliquisse fidelibus dispensandum *Salubrum imaginum & exrationabilibus, & iustis causis: & ex Conc. Constatentur, tiensi seſſ vlt. vbi dicitur suspectos de hæſti interrogare Pontificis esse, an credant ſuum Pontificem concedere p' Reſte fe Indulgentias ex cauſa rationabili.*

& alios,

Quæres, quænam cauſa iusta, & rationabilis eſſe cauſione Indulgentias ad concedendum Indulgentias. Respon. iuxta p' tamen probabiliorem Doctorum ſententiam ad id requiri, ne videlicet modò, vt cauſa illa ſit pia, & Deo grata, ſed etiam ut missis ter quam habeat cum ipſa Indulgentia proportionem. In juntum S. Bonau. Rich. Major, Sot. Nau. & alij plures, quia in ſe jicit, & ſequitur Bellarm. cit. cap. 12. Ad, hanc facit ob item proportionem duo præſertim requiruntur: p' ex Extratum eſt, vt concedatur Indulgentia ob pium aliquam S. Bonav. finem, cuius aſſecutio ſit magis Deo honorifica, & Ecclesiæ pluſia utiles, quam poenitentialis ſatisfactio, que per indulgentiam relaxatur: ſecundum eſt, vt ad Indulgentiam illam percipiendam opus aliquod faciendum p' ſcribatur, quod ſit aptum & utile ad finem huiusmodi conſequendum: e. g. quando ſummus Pontifex Indulgentiam concedit ijs, qui verè poenitentes, & confitentes ſacra Communione refecti preces, & alia pietatis opera pro hæreſeon extirpatione, & Christianorum pacem Deo obtulerint; finis quem ſibi proponit Pontifex, licet hæreſeon extirpatio & Christianorum pax, eſt hanc dubiè maximè Deo honorificus, & Ecclesiæ proficuum opera item ad finem illum obtinendum iniuncta, id aptissima ſunt, vt per ſe patet: & ſic proportio debita 13. ſect. non poterit.

De hac vero cauſa, eiusque iusta proportione p' Ecclesia, ipsum concedentem Indulgentias iudicium eſſe debet, & alii a reſte monet Bellarm. ſuprā cap. 12. nec ſubditorum e' probabile temere de eiusmodi rebus ſudicare: imo (vt doceunt Isamb. disp. 3. art. 4.) periculoum eſt, quascunq' posſe. Indulgentias quibuslibet ex cauſis concessas paruifacere Secu-

*Quena**g**P RIMI mun**non pot*

en unde ibidem observat Indulgencias illas, quæ conceduntur usui granorum benedictorum, rosariorum, piarum & imaginum, & similium rerum, quæ minimi momenti vi-
stantur, ex causa maxime justa, a crationabili à summis
Pontificibus interdum posse concedi.

Rechè tamen observat Laym. cap. 4. de Indulg. post Nav.
& alios, quod quamvis causa sufficiens, & justa in conce-
ssione Indulgenciarum alicujus u. g. plenaria reperiatur, fieri
tamen posse, ut non omnes integrum consequantur; si
no videlicet illorum aliqui ad maximam pro peccatis com-
missis temporalem poenam subeundam obligati opus in-
iunctum tepide peragant: quia, quamvis causa Indulgencie
in se justa sit, illorum tamen respectu aliquo pacto de-
ficit ob imperfectam dispositionem: quod etiam constat
ex Extravaganti 1. Bonaficii 2. de poenit. & remiss. & ex
S. Bonav. in 4. dist. 20. part. 2. art. 7. quast. 6. ubi dicit Ho-
mines plus vel minus participare de Indulgencia, prout plius vel
minus ad illius causam accedunt.

PARAGRAPHUS III.

*Quanam conditiones requirantur in eo, qui Indul-
gentiarum fructum percipere intendit.*

P RIMA conditio est, ut sit homo baptizatus, ut ex com-
muni & certa Theologorum sententia docet Suar. disp.
13. sect. 4. thesaurus siquidem Ecclesie valide dispensari
non potest nisi filii Ecclesie; nec absolviri possunt ab Ec-
clesia, qui eius jurisdictioni non subsunt. Nav. tamen
& alii apud Laym. cap. 6. de Indulgentiis existimant
probabile esse, Catechumenis tum vivis, tum de-
functis Indulgencias per modum suffragii prodesse
posse.

Secunda conditio est, ut is qui percipit Indulgencias,
subditus

subditus sit illius qui eas concessit: neque enim nisi
datis Indulgentiae concedi possunt, vt habeatur ex ea
Quod autem, & ex dictis s. p. &c. constat,

Tertia conditio est; vt non sit excomunicatione
qua maiori ligatus; hec enim priuatum in eum participa-
tione bonorum spiritualium communium, vt suppon-
mus ex dicendis infra suo loco.

Quarta conditio est, vt sit in statu gratiae sanctificante
eo tempore quo Indulgentiae fructum percipit: poenitentia
quidem temporalis remissio, culpa remissionem praesup-
ponit, vt ex S. Thomae & Theologorum communis senten-
tia docet Bellarm. cap. 13. & ex ante dictis satis constat.

Verum circa hanc quartam conditionem difficultas
est, an status gratiae requiratur in suscipiente Indulgen-
tiam, non solum quando eius fructum percipit, sed etiam
cum exequitur opera ad illarum perceptionem iniun-
cta. Palud. S. Anton. & alii apud Bellarm. supra exi-
mant, satis esse, utis qui lucratur indulgientiam, si
statu gratiae eo tempore, quo eius fructum percipit:
i. tamen, Sot. & alii apud eundem Bellarm. alienum
requiri gratiae statum etiam tunc, quando iniunctum
opus perficitur; quorum sententiam Bellarminus con-
set esse tuitorem, & in quibusdam etiam casibus os-
no certam; cum videlicet prescribitur, vt opera iniuncta
in statu gratiae fiant, quod in plurimis summorum Pe-
niteniarum diplomatis prescribitur, in quibus Indulgen-
tiam conceditur iis, qui vere contriti, & confessi Ecclesiam
quas visitauerint, ibique orauerint pro pace. Imo
Bellarminus existimat id semper subintelligi, quamuis
exprimatur, quando iniunctum opus tale est, vt minime
conferat ad finem, ad quem Indulgentia conferatur,
ad placandum Deum, ad impetrandum pacem, nisi fiat
statu gratiae; peccatores enim Deus non exaudit, nec
opera mortua Iustitia eius placari aut misericordia ex-
ari potest: quare consultissimum est, vt, quando, q.
Indulgentiam percipere cupit, primum peccata sua
sacramentali confessione, vel saltem perfecte Con-

tionis actu eluere curet: quæ quidem contritio ad omnia peccata non solum mortalia sed etiam venialia extendi debet, vt ad remissionem pœnarum illius debitaram Indulgentia quoque extendatur.

Quinta denique conditio est, vt is qui Indulgentiam percipere cupit, id omne perficiat, quod ad illam consequendam iniunctum fuerit: vnde si ex ignorantia, aut obliuione, aut etiam iusto aliquo impedimento partem aliquam operis iniuncti quamvis inculpabiliter omitrat, effectum Indulgentiæ non consequitur, vt ex S. Thoma & aliis docet Bellarm. cap. 13. quia secundum commune Theologorum axioma, Indulgentiæ tantum valent, quantum sonant.

Quæres, vtrum quando in Pontificiis diplomatis habetur Indulgentiam concedi pœnitentibus verè contritis, & confessis, confessio sacramentalis necessaria sit ad eam lucrardam. Resp. secundum probabilem, & ratiocinem sententiam, in eo qui peccati alicuius mortaloris sibi conscius est, requiri actualem confessionem, quando illius mentio expressa habetur in Pontificiis litteris; nec sufficere solam contritionem, quamvis veram & perfectam, vt afferunt S. Anton. Adrian. Nau. & plures alii apud Bellarm. suprà. In eo autem, qui nullius peccati mortaloris conscientiam habet, actualem confessionem minime esse necessariam, vt docent idem S. Anton. Suar. & alii apud Laym. cap. 6. de Indulg.

Quod spectat ad Indulgentias, quæ defunctis fidelibus in Purgatorio existentibus applicantur, certum est, id ab Ecclesia valide, & fructuose fieri posse: fideles siquidem defuncti cum fidelibus viuentibus ita coniuncti sunt, vt vnam cum illis Ecclesiam efficiant; proindeque si particularibus suffragiis & orationibus viuentium iuuari possunt, à fortiori poterunt per applicationem satisfactionū Christi, & Sanctorum subleuari. Et hæc est communis, & certa doctrina S. Thomæ, S. Bonav. & aliorum Doctrinum, quos citat Bellarm. capite 14. Quæ etiam ex communis Ecclesiæ praxi satis constat, in qua (vt ibidem refert)

L

Pascha.

Paschalis I. qui ante septingentos annos Apostolicam Se-
dem obtinebat, & plures alij summi Pontifices Indulgen-
tias defunctis applicandas concesserunt.

Quærunt aliqui, vtrum Indulgentiæ pro defunctis con-
cessa certò, ac infallibiliter illis prosint. Affirmant Sot.
Nau. Suar. & alij, quos citat Laym. cap. 7. de Ind. quo-
rum sententia, licet sit probabilis, contraria tamen (qua
est S. Bonau. Rich. Duran. Cordub. Cani, & aliorum, quos
citat & sequitur; Ibidem. quæ est, hunc Indulgentiarum
pro defunctis effectum pendere ex liberali Dei acceptan-
tis voluntate) probabilior videtur; cùm neque ex vlo
scripturæ loco, neque ex vlla certa traditione constet,
Deum illas satisfactiones ex Ecclesiæ thesauro deprop-
tas, & ab eadem Ecclesia sibi oblatas pro defunctorum
liberatione acceptaturum promisso; præsertim cùm ipsa
Ecclesia Indulgentias illas pro defunctis concedat, non
per modum absolutionis, sed per modum suffragij, tan-
quam ipsum Deum supplicans, vt eiusmodi satisfac-
tionem, seu solutionem pro defunctorum subleuationem
misericorditer acceptare dignetur.

Quod etiam ex ipsius Ecclesiæ praxi confirmari potest,
qua post applicatam alicui defuncto in particulari ple-
nariam Indulgentiam, v. g. per sacrificium in altari po-
ulegiato pro ipso oblatum, nihilominus pro eodem mo-
re, & sacrificare non desinit: quo facto tacite declam-
videtur. Indulgentias quamuis maximè salutares, non
tamen semper infallibilem effectum pro ipsis defunctis
habere, sed pendere ex diuina misericordia: quod tamen
non debet fideles viuentes reddere segniores, imo po-
gius excitate, vt maiori affectu, & charitate ipsis fide-
bus defunctis per orationes, aut sacrificia, aut Indul-
gentiarum applicationem, aut alium quem-
cunque modum opitulentur.

¶¶¶

PARAGM

PARAGRAPHUS IV.

Quid de Purgatorio sentiendum sit.

CATHOLICA veritas, cui firmiter adhærendum est, docet esse Purgatorium; id est, locum quemdam, in quo tanquam in carcere post hanc vitam usque ad certum & definitum tempus detinentur, ac purgantur animæ fideles, quæ in statu quidem gratiarum, sed tamen nondum plenè à peccatis purgatae è corporibus exierunt, ubi fidelium viuorum orationibus, & suffragijs, ac præsertim sanctissimo Missæ sacrificio possunt subleuari. Hanc veritatem olim VValdenses, Albigenses, Apostolici, & plures alij Catholicæ fidei hostes impugnarunt, ut videre est apud Bellarm. Lib. 1. de Purg. cap. 1. quibus adiunxerunt se hodierni hæretici tam Lutherani, quam Caluinistæ, qui omnes nullum esse post hanc vitam Purgatorium contendunt, sed animas statim ut à corporibus separantur, vel in cœlum euehi, vel in infernum detrudi.

Refellitur hic error, & nostræ fidei veritas probatur 1. ex scriptura: 2. Mach. 12. ubi dicitur, quod Sancta & salubris est cogitatio pro defunctis exorare, ut à peccatis soluantur: quæ verba, cum neque de beatis, neque de damnatis intelligi possint, sequitur, ut de quodam tertio hominum genere sint intelligenda, qui habeant adhuc aliqua vincula; à quibus post mortem solvi queant; proindeque de illis, qui in Purgatorio detinentur. Hunc autem librum Machabæorum esse Canonicum (quidquid hæretici in contrarium dicant) constat non modò ex Concil. Trid. sess. 4. in decr. de Canon. script. sed etiam ex Concil. Carth. 3. (cui interfuit, ac subscriptis S. Aug.) cap. 47. item ex S. Innocentio I. Epist. 3. ad Exuperium cap. vlt. & ex Gelasio 1. in Concil. 70. Episcoporum, ut refertur dist. 15. cap. Sancta Romana. Probatur etiam ex Is. 4. Si abluerit Dominus fordes filiarum Sion, &c. in spiritu iudicij, & spiritu ardoris: quem locum de poena Purgatorij explicat

L 3

cat

GR

cat S. Aug. lib. 20. de ciuit. cap. 25. Item ex S. Matth. 12. vbi dicit Dominus, quædam peccata esse, qua non remittuntur neque in hoc saeculo, neque in futuro. Vnde colligunt SS. Patres, quædam peccata remitti in futuro saeculo, id est, post hanc vitam, per orationes, & suffragia Ecclesiarum. Ita S. Aug. lib. 21. de ciuit. cap. 24. & lib. 6. in Julianum c. 5. S. Greg. lib. 4. Dialog. c. 39. & S. Bern. Hom. 66. in Cant.

Probatur 2. ex variis Conciliis, in quibus prescribitur, ut orationes & suffragia pro defunctis fidelibus offerantur: vt in Concil. Carthag. 3. cap. 29. Bracarensi 1. c. 39. & Aurelian. 2. cap. 14. vnde sequitur, aliquos fideles defunctos in tali loco esse, vbi orationibus & suffragiis iuuentium iuuari possint, proindeque esse in Purgatorio.

Probatur 3. ex SS. Patribus, qui Purgatorium apertissime asserunt, vt S. Greg. Nyss. oratione pro mortuis circa medium, vbi de iusto ex hac vita excedente loquens dicit, quod non poterit a corpore egressus divinitatis partur fieri, nisi maculas animo immixtas Turgatorius ignis absorbit: & S. Aug. lib. 21. de ciuit. c. 24. loquens de iustis qui cum leui bus peccatis decedunt, Tales (inquit) instante Iudicij diem per paucas temporales, quas eorum finis patiuntur, purgatos, eternis supplicijs non tradendos. Item ex aliis SS. Patribus, qui pro fidelibus defunctis orandum, ac Missæ sacrificium offerendum esse dixerunt, s. Cyril. Hierosolym. Catech. 5. Mystag. Pro omnibus inquit, oramus, qui inter nos vita sancti sunt, maximum credentes esse animarum iuuamen: S. Greg. lib. 4. Dialog. c. 55. Multum, inquit, solet animas etiam post mortem sacratio hostia salutaris adiuuare; ita ut hanc nonnunquam defunctorum anima expetere videantur.

Porro, cum tantummodo fidelium iustorum animi in Purgatorio detineantur, quæ ab omni peccati mortaliter reatu immunes, ex hac vita decedunt, sequitur, ob duas tantum causas ibi purgari debeant, nimirum pro peccatis venialibus, cum quibus nondum quoniam culpam remissis corporibus exierunt, vel pro penitentiis.

temporalibus, quæ peccatis mortalibus, aut venialibus
quoad culpam remissis debentur, pro quibus plenè non
satisfecerunt.

Hæ autem animæ in Purgatorio existentes, pro pec-
catorum illorum expiatione grauissimas haud dubiè pœ-
nas patiuntur, adeò ut SS. Patres doceant pœnas illas
Purgatorii quibusunque huius vitæ pœnis esse longè
grauiores, vt S. Aug. in Psal. 37. S. Greg. in Psal. 3. poenit-
tentialem, & alij, quos citat Gamach. cap. 5. de Purgat.

Quamuis autem Doctores quidam Catholicæ, vt Dyon.
Carth. lib. de quatuor nouissimis art. 47. & Michaël
Baius lib. 2. de meritis operum c. 8. existiment, grauissi-
mam animarum illarum pœnam in eo consistere, quod
nullam suæ salutis habeant certitudinem, sed quasi su-
spensa, & dubia occulta quadam iudicij diuini disposi-
tione teneantur; communis tamen Theologorum do-
ctrina est, animas fideles in Purgatorio detentas, de fa-
lute sua æterna certas ac securas esse: tum quia (vt docet
S. Thom. 22. q. 18. a. 3.) spes Theologica in illis manet,
ac proinde etiam fides, ex qua certissimè scire possunt,
animas in Purgatorio detentas esse saluandas; aliunde
vero satis certosciunt, se esse in Purgatorio non verò in
inferno: tum ex dictamine propriæ conscientiæ; norunt
enim se Deum super omnia amare, nec vlo aduersus
eum odio moueri, neque etiam ab alijs animabus secum
detentis, vident illum blasphemari, vt fit à reprobis in in-
ferno, sed potius laudari: quæ omnia fusius explicata &
probata habentur apud Gamach. c. 3. & vlt. de Purg. &
Bellarm. lib. 2. de eod. Purgat. c. 4. qui etiam c. 7. obser-
uat ex Beda & aliis probatis authoribus diuersos esse in
Purgatorio pœnarum gradus, disparemque animarum
statum, quarum aliae aliis longè minus torquentur; imo
earum aliquæ nullum alium nisi tantummodo dilatae fœ-
licitatis dolorem sustinent.

Quæres 1. vbinam sit Purgatorij locus? Resp. locum
Purgatorij ordinarium esse in ipsis terræ visceribus, vt do-
get S. Thom. S. Bonau. Sot. & alii apud Gamach. cit. c. 5.

L 3

Diximus,

Diximus, ordinarium: quia interdum ex aliqua diuina dispensatione purgantur animæ in aliis quibusdam locis; vel quia in ijs peccauerunt, vel etiam ad instructio nem & terrorem viuorum, vt ex S. Greg. S. Thoma, Pe tro Damiano, & alijs obseruat idem Gamach.

Quæres 2. quanto tempore animæ in Purgatorio detineri debeant? Resp. id ab eo solo cognosci, cuius indicio iusto illuc detinentur; certum nihilominus esse, alias illuc animas pluribus annis, imò etiana sacerulis detineri; cum Ecclesia probet consuetudinem illam anniversaria celebrandi pro aliquibus defunctis, etiam si confite illos ante ducentos, vel etiam plures annos ex hac via migrasse; quod minimè probaret, si tamdiu eas illuc detineri posse, certum esset.

Quæres 3. an animæ ex Purgatorio aliquando egredi possint, & hominibus apparent. Resp. non modo ex Purgatorio, sed & ex ipso inferno, imò etiam emulo animas, Deo ita volente, egredi posse, & de facto interdum egressas fuisse, aliisque viuentibus apparent, vt docet S. Aug. lib. de cura pro mortuis agenda cap. 16, & idipsum variis exemplis, & historiis expressissimis & fide dignissimis authoribus probat Bellar. cit. lib. 3. cap. 8.



CAPV
præce